



Inatsisartunut ilaasortaq
Jens Napātōk, Partii Naleraq
/Maani

§ 37 naapertorlugu Tuttunik umimannillu kisitsinissamut tunngasumik apeqquteqaammut nr. 204-2019-mut akissuteqaat.

Ulloq: 27-06-2019
Suliap normua.: 2019 - 14541
Akt-id: 11032727

Asasara Jens Napātōk,

13. juuni 2019 tuttunik umimannillu 2019-mi kisitsinissamut tunngasumik Naalakkersuisunut apeqquteqaateqarputit. Apeqquteqaatitit uannut akisus-sanngorlugit innersuunneqarput.

Postboks 1614
3900 Nuuk
Tlf. (+299) 34 50 00
Fax (+299) 34 54 10
E-mail: pan@nanoq.gl
www.naalakkersuisut.gl

1. Sumi nunami 2019-imni tuttunik aamma umimannik kisitsisoqassava?

2019-i marsimi kitaani piffinni marlunni Pinngortitaleriffimminngaanniik quli-miguulik atorlugu tuttunik kisitsinerit ingerlanneqarsimapput. Kisitsineq ataaseq Akia-Maniitsumi ingerlanneqarsimavoq, kisitsinerullu aappaa Ameralimmi ingerlanneqarsimalluni. Kisitsinerit taakkua marluk ingerlanerini umimmaat nakutigineqanngillat. Taamatuttaaq 2019-i aprili-maajilu Ivittuat nunataani umimannik ikinnerpaaffiliinikkut kisitsisoqarpoq. Matumanik kisitsineq taanna Arsummi piniarnermut nakkutilliisumit sunngiffimmi piniartumik suleqateqarluni ingerlanneqarsimalluni. Taakkua saniatigut Pinngortitaleriffik 2019-imni allanik tuttunik umimannillu kisitsinissanik pilersaaruteqanngilaq.

2. Naalakkersuisut nalilernerlussuk tuttut aamma umimmaat pillugit Siggummi aamma Inglefield land-mi pisariaqartisoqarnersoq amerlassusaasa kisinneqarnissaannik?

Uumasut assigiinngitsut Pinngortitaleriffimmit kisinneqarnissaannut tulleriaar-neqarnissaannut aalajangersakkat Aningaasartuutissanut inatsit malillugu Pinngortitaleriffiup siulersuisunit inissitsiterneqarsimapput, matumanik uumasut assigiinngitsukkuutaat suliniutigineqarnerannut immikkoortiterinertaqartumik. Tulleriaarinerit siulersuisunit akuerineqarsimasut Pinngortitaleriffiup 2018-2022-mut suliassanut pilersaarusiaani allassimapput. Suliassanut pilersaarusiam uumasunut assigiinngitsunut suliniutit aammattaaq allassimapput. Siggummi aammalu Qaanaap avannarpasissuani Inglefield Land-imni tuttunik umimannillu kisitsinissaq Pinngortitaleriffiup 2018-2022-mut sulianut pilersaarusiaani sal-liutinneqanngilaq. Tuttut aammalu umimmaat Qaanaap avannarpasissuani Inglefield Land-imni piniagaanerinik nalunaarsuutit kiisalu umimmaap Siggummi piniagaanerinik nalunaarsuutit tunuliaqutaralugit uumasut eqqartorneqartut allanngujaatsumik atajuartussamillu inissisimanerat nalilerneqarpoq, taamaattumillu

uumasunik taakkuninnga piffinni taaneqartuni qulimiguulimmik kisitsinissaq
akisuallaassalluni.

**3. Taamatut tuttut aamma umimmaat Siggummi aamma Inglefield Land-im
i amerlassutsinnik kisitsineq qanoq akeqassava?**

Siggummi aammalu Qaanaap avannarpasissuani Inglefield Land-im kisitsinissap
2 mio. koruuninit missaani akeqarnissaa naatsorsuutigineqassasoq Pinngortitale-
riffiup paassisutissiissutigaa.

Inussiarnersumik inuulluaqqusillunga
Med venlig hilser

Kim Kielsen